



UNIVERZITET U SARAJEVU
PEDAGOŠKI FAKULTET SARAJEVO

UNIVERSITY OF SARAJEVO
FACULTY OF EDUCATIONAL SCIENCES SARAJEVO

Skenderija 72, 71000 Sarajevo, Bosna i Hercegovina
tel.: 00387 33 214 607; fax: 00387 33 214 606
e-mail: dekanatpf@pf.unsa.ba; web: www.pf.unsa.ba
ID broj: 4200494560155; PDV broj: 200494560007

Broj: 23-01-2045/25
Datum: 2. 10. 2025. godine

Na osnovu člana 69. Zakona o visokom obrazovanju („Službene novine Kantona Sarajevo“, broj: 36/22) i člana 111. Statuta Univerziteta u Sarajevu, člana 12. i člana 16. Pravila studiranja za prvi i drugi ciklus studija i integrirani, stručni i specijalistički studij na Univerzitetu u Sarajevu broj: 01-15-24-1/23 od 27.9.2023. godine, Vijeće Univerziteta u Sarajevu – Pedagoškog fakulteta je na 1. vanrednoj elektronskoj sjednici održanoj 2. 10. 2025. godine, donijelo

ODLUKU

o organizaciji nastave za I i II ciklus u akademskoj 2025/26. godini

I

Početak nastave za redovne i redovne samofinansirajuće studente I i II ciklusa studija utvrđen je Akademskim kalendarom Univerziteta u Sarajevu za akademsku 2025/26. godinu.

Početak nastave za vanredne studente I i II ciklusa studija je 10.11.2025. godine.

II

Nastavne aktivnosti (predavanja i vježbe) za redovne i redovne samofinansirajuće studente akademske 2025/26. godine realizirat će se u prostorijama Univerziteta u Sarajevu – Pedagoškog fakulteta.

Pedagoška, metodička i samostalna praksa realizirat će se u odgojno-obrazovnim ustanovama u skladu sa Sporazumom o realizaciji metodičke, pedagoške, psihološke i edukacijsko-rehabilitacijske prakse na studijskim programima Univerziteta u Sarajevu od 22. 4. 2024. godine.

Izuzetak od ovog stava je organizacija nastave na Odsjeku za edukaciju i rehabilitaciju za angažirane profesore sa Edukacijsko-rehabilitacijskog fakulteta Univerziteta u Tuzli, i organizacija nastave na III godini Odsjeka za razrednu nastavu na predmetima gdje je angažirano nastavno osoblje sa Univerziteta u Tuzli – Filozofskog fakulteta, a što je utvrđeno Odlukom Vijeća Fakulteta.

III

(Redovan studij)

U slučaju da je na studijsku godinu i izborni predmet upisano manje od 3 studenta nastava se izvodi konsultativno sa fondom sati 5 semestralno u učionici i online po potrebi.

Za grupe od 3 do 5 studenata na studijskoj godini i izbornom predmetu organizirat će se nastava sa 1/3 od ukupnog broja sati na predmetu za vanjske saradnike, a u puno fondu sati za nastavnike Univerziteta u Sarajevu – Pedagoškog fakulteta.

Za studijske godine gdje je upisano 6 i više studenata održava se puni fond nastave.

Za studijske grupe gdje je upisano manje od 10 studenata, studenti će se priključiti drugim grupama na onim nastavnim predmetima čiji nastavni sadržaji su minimalno 70 % međusobno podudarni.

IV

(Vanredan studij)

Nastava za vanredan studij realizirat će se u obimu 1/3 fonda sati od predviđenih sati studijskog programa, a od toga 1/3 sati izvodit će se u učionici, a ostatak online putem platforme Office 365 za studijske grupe na kojima je upisano 4 i više studenata.

Za studijske grupe gdje je upisano manje od 4 studenata, studenti će se priključiti drugim grupama na onim nastavnim predmetima čiji nastavni sadržaji su minimalno 70 % međusobno podudarni, a za ostale predmete nastava će se realizirati konsultativno.

Vanredni studenti obavezni su pristupiti oblicima provjere semestralnih provjera znanja predviđenih silabusom predmeta i izvedbenim planom nastave.

V

Eventualne korekcije opterećenja u toku izvođenja nastave vršit će prodekan za nastavu i studentska pitanja, te o tome obavijestiti Vijeće Univerziteta u Sarajevu – Pedagoškog fakulteta.



Dostavljeno:

- Studentskoj službi
- Prodekanu za nastavu i studentska pitanja
- Vijeće Fakulteta
- Web stranica
- Oglasna ploča
- a/a
-

„Sekretar Univerziteta u Sarajevu - Pedagoškog fakulteta potvrđuje da je Odluka u skladu sa zakonskim i podzakonskim propisima koji su na snazi, te da je Vijeće Univerziteta u Sarajevu - Pedagoškog fakulteta nadležno za donošenje iste shodno članu 69. Zakona o visokom obrazovanju („Službene novine Kantona Sarajevo“, broj 36/22) i članu 111. Statuta Univerziteta u Sarajevu. Sekretar: Binaša Nikšić



